

BASES DO CONCURSO PARA O DESEÑO DOS CARTEIS DAS FESTIVIDADES DE SAMAIÍN E MAGOSTOS 2017

A Concellería de Cultura do Excmo. Concello de Ourense, convoca un concurso para a confección dos carteis anunciadores da festividade de Samaín e dos Magostos, de acordo ás seguintes bases:

1. TEMÁTICA: Os carteis serán representativos e estarán relacionados coas Festividades de Samaín - Festa de Todos os Santos, 31 de outubro -, e a dos Magostos – 11 de novembro -.

2. PARTICIPANTES: Poderá concursar toda persoa física ou xurídica, excepto os gañadores da anterior edición no caso de que acepten formar parte do xurado.

3. RECEPCIÓN DAS OBRAS: Os traballos serán entregados no Rexistro Xeral do Concello nun sobre, onde figurará “Concurso carteis Samaín e Magosto 2017” e debaixo un pseudónimo ou lema; dentro do mesmo, nun sobre pechado, no que figurará por fóra o mesmo pseudónimo ou lema, os datos de identificación, dirección e teléfono. Só se abrirá o sobre da obra que resulte premiada.

O prazo límite a todos os efectos de presentación, será o venres 13 de outubro.

4. PUBLICACIÓN: O anuncio se publicará na páxina web do Concello (www.ourense.es), na da concellería de Cultura (www.ourensecultura.com), e nun xornal de máxima difusión provincial.

5. DEVOLUCIÓNS DAS OBRAS: Os deseños presentados quedarán en poder do Excmo. Concello de Ourense. Os deseños gañadores serán empregados como imaxe das festividades de Samaín e dos Magostos. Os restantes poderán pasar a recollelos nun prazo de 30 días seguintes á finalización do concurso, xuntando a folia que reciben en rexistro.

6. FORMATO: Xunto aos motivos que aparezan nos mesmos, os carteis deberán de incluír obrigatoriamente os seguintes textos:

Samaín: *Martes, 31 de outubro 2017*

Magostos: *Sábado, 11 de novembro de 2017, Ourense. Festa de interese turístico*

Os traballos deberán ser orixinais e inéditos, e serán presentados necesariamente cos seguintes formatos:

- Gravados en alta resolución nun CD (lexible en PC), en formato editable: Adobe Photoshop, Illustrator o Freehand.
- Impresos e pegados sobre cartón pluma debidamente protexido de tamaño 50x70 cm. adoptando forma vertical.

Ademais, terán un espazo libre igual ou superior a 5 centímetros de alto no seu borde inferior para que, con carácter anterior á impresión, a Concellería de Cultura poida incorporar os logotipos e lendas que considere oportunos. Se a execución técnica dos carteis requirise algunha modificación para a súa mellor impresión, a Concellería de Cultura poderá impor esta variación logo da consulta co/ a autor/ a. Valorarase positivamente a creatividade neste sentido e o encaixe do anagrama municipal.

O cartel elixido será utilizado tamén como imaxe gráfica integrante dos anuncios na prensa escrita, carteis, mobiliario urbano publicitario, e outros elementos divulgativos que editará o Concello para promocionar o programa de actividades desta festa. As adaptacións serán as que indique o Gabinete de Comunicación para que os resultados acaden a mellor eficiencia en cada un dos soportes, polo que o Concello resérvase a potestade de encargar estas adaptacións a unha empresa especializada.

7. PREMIO: O premio do concurso para o deseño do cartel dos Magostos estará dotado con 800 € (oitocentos euros), e o de Samaín con 600 € (seiscentos euros). Os premios poderán ser declarados desertos se o xurado así o considera oportuno.

É imprescindible facilitar a ficha de terceiros no prazo dos 10 días hábiles seguintes á notificación da concesión do premio. De non ser así, entenderase que o/ a agraciado/ a renuncia ao premio.

8. PROPIEDAD DAS OBRAS: Os carteis premiados deberán presentarse en formato electrónico para a súa mellor reprodución e adaptación, e pasarán a ser propiedade municipal con todos os dereitos de libre reprodución e difusión.

9. XURADO: A decisión do xurado será inapelable. Estará formado polas seguintes persoas:

- Concelleira de Cultura (ou a persoa en quen delegue) que presidirá o xurado.
- Dous/ dúas funcionarios (as) da Concellería de Cultura dos que un/ unha actuará de secretario/ a.
- Dous/ dúas representantes do campo do deseño, a comunicación ou as artes.
- Un/ unha técnico do Gabinete de Prensa do Concello de Ourense.

10. DECISIÓN DO XURADO: Os carteis seleccionados faranse públicos por comunicado oficial de prensa aos medios de comunicación e na páxina web do Concello www.ourense.gal e da Concellería de Cultura www.ourensecultura.com, ademais de comunicarse aos gañadores.

11. ACEPTACIÓN DAS BASES: As persoas participantes, polo feito de concursar, aceptan todos os puntos contidos nestas bases e as decisións do xurado sen dereito a reclamación.

As persoas participantes autorizan o tratamento de datos persoais e a súa inclusión nun ficheiro xestionado polo Concello de Ourense coa finalidade de estatística. O interesado poderá exercer en todo momento os dereitos de acceso, rectificación, cancelación e oposición recoñecidos na Lei Orgánica 15/1999 mediante correo electrónico cultura@ourense.es ou por correo ordinario á Concellería de Cultura (rúa da Canle 2-32005 Ourense).

Ourense, agosto de 2017